

Na osnovu člana 56. Zakona o organizaciji organa uprave Federacije Bosne i Hercegovine („Službene novine Federacije BiH“, broj 35/05), člana 30. stav (1). i člana 37. Zakona o izvršavanju Budžeta Federacije Bosne i Hercegovine za 2022. godinu („Službene novine Federacije BiH“, broj 25/22), i Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi neprofitnim organizacijama-uduge proistekle iz posljednjeg odbrambeno-oslobodilačkog/domovinskog rata“ utvrđenog Budžetom Federacije Bosne i Hercegovine za 2022. godinu, („Službene novine Federacije BiH“, broj 39/22), Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata, objavljuje:

JAVNI POZIV

**za podnošenje zahtjeva za ostvarivanje prava na dodjelu sredstava Budžeta/Proračuna Federacije BiH za 2022. godinu iz oblasti boračko/braniteljsko - invalidske zaštite -
Tekući transferi neprofitnim organizacijama – udruženja/udruge proistekle iz
posljednjeg odbrambeno-oslobodilačkog/domovinskog rata**

I

Predmet Javnog poziva je sufinansiranje programa rada udruženja/udruga, saveza proisteklih iz posljednjeg odbrambeno-oslobodilačkog/domovinskog rata.

II

Pravo sudjelovanja na Javnom pozivu ostvaruju udruženja/udruge, savezi koji su registrovani za obavljanje djelatnosti (poslova) koje se odnose na branilačke populacije, a registrovani su na federalnom nivou ili na nivou Bosne i Hercegovine, sa projektima usmjerenim na realizaciju ciljeva ovog programa.

Ciljevi programa su: potpora u realizaciji projekta od značaja za rad saveza, poboljšanje položaja članova saveza, poboljšanje ambijenta za život i rad branilačkih populacija, poboljšanje uslova efikasnijeg i uspješnijeg doškolovavanja, edukacije, liječenja, rješavanja stambenog pitanja, pomoć u radu saveza, te zaštite branilačkih populacija po pitanju pravne i materijalne sigurnosti.

III

Pravo učešća po ovom Javnom pozivu nemaju podnosioci zahtjeva iz tačke II ovog Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

IV

Prijedlog raspodjele i isplate namjenskih sredstava iz tačke VI ovog poziva vršit će se u skladu sa kriterijima za raspodjelu, korištenje, kontrolu i izvještavanje o utrošku sredstava za "Tekući transfer neprofitnim organizacijama-udruženjima/udrugama proisteklim iz posljednjeg odbrambeno-oslobodilačkog/domovinskog rata", u 2022. godini koje donosi Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata.

V

Opći kriterij za odobrenje sredstava za sufinansiranje programa rada udruženja/saveza proisteklih iz posljednjeg odbrambeno-oslobodilačkog/domovinskog rata su:

- Broj članova udruženja/udruga koje okupljaju
- Broj lica angažovanih na realizaciji projekta
- Visina sredstava potrebnih za realizaciju programskih aktivnosti
- Visina učešća sopstvenih te sredstava drugih finansijera
- Aktivnosti poduzete na poboljšanju socijalno-statusnog položaja pripadnika branilačkih populacija

VI

Sredstva po ovom transferu utvrđena su u ukupnom iznosu od 360.000,00 KM (tristotinešezdesethiljada i 00/100 KM).

Sredstva za sufinansiranje programa rada odobravat će se udruženjima/savezima proisteklim iz posljednjeg odbrambeno-oslobodilačkog/domovinskog rata iz tačke II Javnog poziva u iznosu od 290.000,00 KM (dvijestotinedevadesethiljada i 00/100KM).

Navedeni iznos će se odobravati na osnovu planova/programa i to kvartalno u 2022. godini.

Razliku iznosa po ovom transferu, dio od 70.000,00 KM (sedamdesethiljada i 00/100 KM), određuju se kao interventna sredstva koja će se koristiti kao potpora programima i projektima za hitne i nepredviđene slučajeve koji nisu obuhvaćeni u javnom pozivu.

VII

Zahtjevi po Javnom pozivu za odabir programa/projekata iz oblasti boračko/braniteljsko invalidske zaštite u 2022. godini će se podnositi Ministarstvu u toku trajanja Javnog poziva, odnosno u trajanju **od 15 dana** od dana njegovog objavljivanja u dnevnim novinama, putem pošte ili lično u zatvorenim kovertama, na adresu:

**Federalno ministarstvo za pitanja boraca/branitelja
i invalida odbrambeno-oslobodilačkog/domovinskog rata
Hamdije Čemerlića br. 2.,
71000 Sarajevo
sa naznakom:**

"Komisija za predlaganje sredstava Tekući transferi neprofitnim organizacijama-udruženja/udruge proistekla iz posljednjeg odbrambeno-oslobodilačkog rata/domovinskog rata u 2022. godini".

VIII

Aplikacioni formulari će biti objavljeni na WEB stranici Ministarstva (www.fmbi.gov.ba), a moći će se preuzeti i u prostorijama Pisarnice Ministarstva.

Neblagovremeni i nepotpuni zahtjevi se neće uzimati u razmatranje.

Federalno ministarstvo nema obavezu vraćati predatu dokumentaciju aplikantima.

IX

Uz zahtjev je potrebno dostaviti sljedeću dokumentaciju:

3. Rješenje o registraciji udruženja/saveza – ovjerena kopija;
4. Rješenja o registraciji kantonalnih saveza – članica udruženja/saveza –kopija;
5. Uvjerenje o poreznoj registraciji udruženja/saveza (identifikacionom broju);
6. Uvjerenje nadležne ispostave Porezne uprave Federacije BiH, ne starije od 30 dana;
7. Kopija ugovora sa bankom ili potvrda od banke iz koje se vidi ko je vlasnik računa;
8. Detaljno opisan projekat ili program za koji se traži sufinansiranje sa finansijskim izračunom prihoda i rashoda;
9. Finansijski plan projekta ili programa za 2022. godinu sa izvorima prihoda i očekivanim rashodima, koji je usvojen od strane nadležnog organa na način kako je propisano Statutom;
10. Ovjerena izjava o visini učešća sopstvenih sredstava i sredstava drugih finansijera;
11. Potvrda o broju članova udruženja/saveza ili ovjerena kopija zadnje stranice registra članstva;
12. Ovjerena izjava o broju lica pripadnika branilačke populacije angažovanih na realizaciji projekta
13. Izvještaj o rezultatima dosadašnjih realizovanih projekata i njihov značaj za članstvo u smislu poboljšanja socijalno-statusnog položaja pripadnika branilačkih populacija udruženju/savezu i značaj za daljnji rad;
14. Izvještaj o kontinuitetu započetih, a nezavršenih programa/projekata.

Po ovlaštenju Vlade Federacije BiH
POMOĆNIK MINISTRA

Mirza Terzo



Broj: 01-37/2-1872/22

Sarajevo, 30.05.2022.godine